

اسلام گزینی

مدیری: حلیم ثابت

۲۷ جمادی الاولیٰ ۱۳۳۲

۱۰ نisan ۱۳۳۰

صافی ۶

پیل ۱

بوسلایه فکریه، داها اوزاتیلاییلوردی، فقط بر مجموعه یه یازیلان شو
 ناچیز مقاله یه اندیشه مک مناهج و معارجی صیقتدیر مقاله اکتفا ایتدم، عینی
 موضوعه دائر توالی ایدم چک مقاله لردم - اتشاء الله، دیرم - قرآنده ایمان
 و حیات، « پیغمبر مرده ایمان و حیات، « تاریخ اسلامده ایمان و حیات،
 بحثلری تدبیر اولنه جقدر.

عبداللطیف نوزار

بیروت

دیر فلسفی

دینک علمی معرکه قارشی خصوصیتی

(قانت و ریجیل)

واقعیت و حقیقت - جامع جهت - معنوی حیات وجهه لرینک استقلال - دینک
 و شعیتی و وحدت تأسیسی - صنعت تابع علم - دینه تابع علم - جیور دانو برو تو
 معنوی حیاتده الک زیاده نظره آینه جق برشی وارسه اوده حق و حقیقت
 مسئله سیدر، بناء علیه بویابده یا بیله جق تدقیق لریالکز بوساحه ده کی واقع لریک تبیینیه
 اکتفا ایتمز؛ بونلریک امرینه نه درجه موافق بولوندیغنی ده تحقیق ایدر، اونک
 ایچوندو که قانت بو ایکی قسم آرمنده (واقعیت) و (حقیقت) مسئله لری دیه
 قطعی بر فرق تعیین ایتمشدر، مثلاً بزکونشک صاحبین دوغوب آقشاملاین باندیغنی،
 و وجد و استغراق خالده بولونان بررائی و یا محذوبک درونی بعض حاللر کچیزدیکنی
 « واقع، بیلورز؛ علم ایسه، بزم بو واقع دیدنکمز شلریک نه درجه حقیقت
 و شائیتی بولندیغنی تحقیقه چالیشیر، فقط بو حق و حقیقت مسئله سی، او منفرد
 واقعلری احاطه ایدن شامل بر وحدته (جامع بر جهته) استاد اولونمده دن خل
 و فصل اولونه ماز، زیرا فرضاً ایستدیکمز ایکی مشاهده بر برلرینه اویمازلرسه،
 یعنی آرمنده هیچ بر رابطه یوق مش کی کورو نورسه او حالده بز بونلری « آکلامش »

دینک اوله مایز ؛ یوق ، بر برلرینه آزیچوق بر توافق کوسترلر و آرالرنده جامع بر جهت بولدیغنی افشا ایدرلرسه ایسته اوزمان علمی وجدانتری تطمین ایتیش اولورلر . مثلاً عینی برلرنده بولونان ایکی شینگ بر برلرینه بعضاً داها یاقین بضاً داها اوزاق کورونملرینک اسبابی کافی درجه قاورامادخه ، یعنی بو مختلف استیضارلری وحدتلی بر اطراد تحتده تفهم ایله مدیکه ، منکره من راحت ایتز ؛ و کندی کندیتزه دیمکه مجبور قالیرزکه : بواکی شینگ آرمسنده کی مسافه شبهه سیز عینی اوله جقدز . شو قدر وار که بونلرک هر حالده بعضاً شو بیه بعضاً ده بویه کورونشلرینی ایجاب ایدن معین بعضی سبیلر بولونمالیدر . کورولویوز که معنوی و فکری حیانه تفکر و تفهمده دائماً اساسی بروحدته ارجاع واردر ؛ یعنی آکلامق دینک بعضی فکرلری ، مفهوملری ، بر مقوله (قاته غوری) ایچینه آلق ، باشقه بر تعبیرله اونی عادتاً بر دمت حالده اصلی بر فکره (مثلاً سییت فکرینه) ربط ایله مکدر .

بو کیفیت منقرد حادثه لر حقدده ناصل صحیح ایسه بویوک معنوی ، فکری ساحه لر ایچوندده اوله در ویز بوتده ده امتیز که معنوی حیات اساسی بروحدت تشکیل ایدم بیلیملی در ؛ زیرا عکسی تقدیرده بوش برواحیه اولوق تهلکه سنه معروضدر . بوقضیه دیته تطبیق اولونورسه دینک اولور که : دین معنوی حیاتک دیگر وجهلر یله جامع بر جهت کوسترمزسه عقل و علم مواجهه سنده بر خیالنا اولوق ماهیتدن قور تولایاز . واقعا بویکی ادعایری اوله سطحی بر نظرا تلی دوغرو اولماز . زیرا صوک اساسی وحدت ، (جامع جهت) مثلاً اوله تولایجه ارجحالاً بولنه بیلر برشی دکدر . زیرا بوشی ، قانتک بر تعبیری و جهله ، معلوم دکل مفروضدر ، و آرانوب طارانقدن صوکره کشف اولونوق کر کدر . خلاصه بو وحدتی آرایوب بولوق هر زمان یکی بر مسئله اوله بیلیمک ماهیتنی حازدر . چونکه مثلاً بر زمان ایچون معنوی بروحدت اساسی اویش اولان برشی ، هر زمان ایچون عینی ادعاده بولونوق حقه مالک اوله میوز . و قیله دین بوتون حیات تدبیر ایدیور ، سیاست مسئله لرینه بیه مطلق صورتده او قاریشیوردی . دینک رأیی آلیسادن هیچ بر حرب آچیلماز ، هیچ بر اتشاق باغلا نمازدی . و معبدلرده یالکیز معبودلرک عیقللری دکل ؛ عینی زمند اولچولر ، وزنلر

واردی . راهبر یالکز راهب دکلر ایدی؛ بونکه برابر منجم ، حکیم و حاکم ایدیلر . «اسکی زمان» صوکلرنده بو حاکمیت شدتلی بر صیارتیتی به دوچار اولدیسهده «اورتا زمان» دورنده یکیدن تأسیسه موفق اولدی . وکلیسا ایمپراطور وقراللر اوزرینه حکم ایدن ، علمی تدقیقلره پروغرام چیژن، صنعتک موضوعنی امر واعطا ایدن بویوک برملیکه ایدی . اجتماع، سیاست، علم و صنعت هپ دین طرفندن تعیین اولتور وهر مسئلهده صوک سوز - قطعاً وقاطبة - اوکا مانڈ بولونور وحتی آرا صیرا وقوع بولان معاندلره رغماً نهایت ینه بوحق اونک اوزرنده ثابت اولوردی .

ایشته بوعظیم و منحصر وحدت آرتق غائب اولمشدر ، اونک یرینه دایا باشقه بریکسنی آرامامز لازم کلیور . [حیاتک مختلف شعبه‌لری آرتق دینک قیوداتندن تجرد ایتدیلر . یکی دولت دنیا ایشلرنده مطلق حکمدار اولدی . علم کندینه یکی قانونلر بولدی ، صنعت غایه و موضوعنی کندی تعیین ایدیور ، اخلاق بیله ، کندینه خاص برهمنله مختاریت دعواسندهدر ، نهایت دین متجرد بر موقعده قالدی ، حتی وضعیتی بیله بوسبوتون متزلزل بر حال آلدی دینیله بیلیر] بویوکلی تفارق شائیتله بشریتک معنوی حیاتی شدتلی بر تحوله مظهر اولدی [بویوک بر نعمت الله ایدیلدی ؛ لکن بز بویوکون آرتق یالکز بوترقی بی دکل ، عینی زمانده بک آجی بر صورتده آراده حاصل اولان انشفاوه ی ده کورمکده بز ، اوت ، ارتق اعتراف اولونمق لازم کلیر که شمعی آراده کی وهرنی غائب ایتمش بولونویورز] [۱]

دینده انسانلق حیاتک اک یوکسک تجلیسنی کورن ووضع ایتدیکی مسئلهلر اوزرینه اویله قولایجه کوز یومق ایسته مین هر فرد بویوکا برتلافی چاره سی بولمق ، ویکی برجامعیت اساسی آرامق مجبوریتدهدر . یالکز بویابده هرشیدن اول برشی حقنده اولجه اتفاق ایتمش بولونمه من لازم کلیر که اوده شودر : بز بوتأسیس ایدم جکمز وحدتی آراده وقوعه کلش اولان تخالفک ، بو آرتق قازانیلمش

[۱] محترم قارئلره شوراسنی اخطاره لزوم کورورم که بومطالعهلر هپ آلمان فلسفه سی نظرندن یوردولویور . . .

بولونان استقلالك ضرریتہ اوله‌رق یا پامالی یز. مختلف معنوی فعالیتلرک استقلاللی اوله برنعمتدرکه یکیدن غائب ایدلسی بزم ایچون پک الم برضیاع اولور، چونکه بو آیریلش نتیجه‌ده دینک‌ده خصوصیتی ده‌ا اعلا بر صورتده ابرازه‌نسب اولدینی ایچون اوکاده خیری دوقونمشدر.

بناءً علیه وحدتی تأسیبه معطوف اجتهادلرده دائماً آراده‌کی آیریلقلری کوز اوکنده بولوندیرمق لازمدیر. زیرا بوتلقی به پک بویوک زحمتلردن سوکرا ایریلش اولدینی ایچون شمعی یکیدن بویله کری به دوشمه‌لر جائز اوله‌ماز. هپسندن اوکجه دینک طبعی معرفته و طبعی معرفتک علمه قارشلی اولان خصوصیتلری میدانه چیقمشدر.
 بیتمدی

راغب فخری

اسلام مطبوعاتی

بشنجی صایینک اسلام مطبوعاتی قسمنده و ذبح مسئله‌سی، عنوانیه محمود فؤاد اقدی طرفدن یازیلان بر مقاله درج ایدلمشدی. وبوندن ۹۶ روس مبعوثنک امضاسیله تصدیقی وقانونیت کسب ایتیه‌سی تکلیف اوله‌نه‌رق اصول ذبح حقیقه‌ده دوما مجلسنه بر لایحه ویریلش اولدینی آکلاشیلیوردی. ایشته بومسئله غایت حساس اولان شمال مسلمانلری محیطده غایت درین بر تأثیر حصوله کتیردی. ملی غزته‌لر ستونلر دولوسی یازیلر یازدی، کویلدن، قصبه‌لردن، هر طرفدن مسلمان فرقه‌سنه مظاهرت تلغرافلری ویریلدی. بالطبع حکومته مراجعت ایتیمک جهتی‌ده اونودیلادی. روس حکومتک بر قاج متعصب مبعوثنک سوزینه او یارق مسلمانلری دلگیر ایتیه‌جکی ذاتاً معلوم ایدی.

ایشته شو مسئله مناسبتیه «ملت» غزته‌سنک ناشرلری موسی جارالله اقدی حضرتلرینه مراجعت ایدمک ذبیحه مسئله‌سینه شریعت اسلامیه‌نک نقطه نظری نه‌دن عبارت اولدینی استفسار ایتش وشو یوله جواب‌آلمشدر: